

Cufet momen Estepapan
tenrapates este papat hase vklat-
ka faccan atet aret okatet hase
vklatka eleca cuko tat antantaken
alakis maket yahikepen cufet
pohates momet momosen cufe
tat nak fone towen hopot
man wanaken etakkayehpet
hase ossa eleca cuko antantaken
yan alakis make tat yahiket
este papan eranrapates mont
erehecet omen temponahoyates
mont este papat okat hase vk-
laka tat este poyit atit omis
kicen cufew matapomen
anew hase ossa eleca este po-
yit atit yan alakit omis ki-
cates momof cufet okat mon
omat estit este fone eshoyanepe
tayen omat kerrakes kicen
momepekas kicates momen Cuf-
et okat mosoholet omakares
kicates momepekas kihcet
emakasamates momen momo-
sen hokkolat metetahket kaken
este papa tat mosolaset likates
momen cufe tat renayet

likates mont ma estepapa
hoyanat este fone talkusen
hoyanet oman cufe tat cereho-
sen hoyanet omet eme ma
mome hoyanan acawet ma
este papan aemapoyet esliket
omet emetat ma estepapa hoyana-
nan acawet eme likat elecan
aapoyet cufe tat likepet taye
oric^hpet hokas cufet kihcen hok-
kolat asehohket hecakan ma
estepapa likatetat nake cereho-
set apoken hecates mont okat
camomoses komakatetan moca
anetta awolacuko ce maket ara-
tes momen hatam tepahket
ahoyates mont ahoyen yafken
ernochoyaranet omen cufet
okat heyat tohfokaka hatcet os
kicates mont omen man nocho-
yaranet onka momosen cufe
tat eto harpen hopoyepates mon
este papat okat estomecaranet
ma nake moman hopoyet
omecke haks kicates momen
cufet okat tayen estetkolet
omanken tecares kont omis

kicates mont cufet este papan
empohet okat ~~n~~ cenocat nak
maket cenocet omehaks kicet
empohen este papat okatet
si si si si si maket cano-
cet omacoken okhoyetanks ki-
cates momen hatam este papat
cufet empohet ~~ee~~ centa nak
maket cenocet on haks kicet
estepapat empohen mekko
rakko tohrotak maket canocet
omes kicates momen takwakh-
oken momosen cufe tat nocepe
omet man maket nocet omate
estemonayeka mekko rakko
tohrotak makepen este papa tat
pohet takwakkatet momosen
este papa tat nocepates momis
ma este papa tat faccan maket
nocepet omepet okeka ma si
si si si si maket nocepet
entakwaken cufe tat alihket
momosen ma eto harpe rakko
san enhopoyepet takwakecepat-
et man essu haye heran esk-
effet momosen ma estepapa
wakkan ~~n~~ ohpefiken

momosen este papa tat
capakiket atasiket ma cufe
tat assehcen sahayates mon
eswelaken hvtcuce wakken
cufet metohtasken eswelaken
ma hvtcuce ma cufe tohtaske
atekat hvce rakkanto? kicet
metohtaskat ma hvccuce rakken
ometo estomis ma este papaw
matapon metohtasken eswe-
laken tapalan cufet tiken este
papaw entiken hatam cufe
tat ra tohtaskepates mohmen
este papat ra tohtaskeko tayen
enhayepates cufet mont omet
cufe tut atapalan arepet omet
~~ese~~ este papa tat nak hayekut
cufetat arepates mon estepapa
tat atiketa eyacet arates ma
cufen enhomecet assecet saret
omeka momis estonko tayet tapa-
lan aaret omen wako rakkon
enokwan akwakehcet atikas ki-
cet cufe tat aret omen wako rakko
enokwa akwakecet omis aksomkepen
atikeko tayet momosen tapla
rakkon cufet estepapat tayecicet
omates